

Arnat angutillu akornanni isertitat nikingassutaat erseqqarilluarpoq

Naatsorsuusionerit nutaat takutippaat angutit 2008-mi agguaqatigiissillugu isertitatigut 40 pct.-ti angunngilaarlugu agguaqatigiissillugu arnat isertitaannit aningaasanngorlugu qaammammumut 5.000 koruuninik, isertitaqarnerusut.


Tamanna saqqummersitami *"Isertitat 2008-mi kisitsisitigut paasissutissat"*-ni, Kalaallit Nunaanni Naatsorsueqqissaartarfiup tamanut saqqummiussaani nittartakkami uani www.stat.gl takuneqarsinnaavoq.

Angutit qaffasinnerunik isertitaqarput immikkoortitaarnerat apeqqutaatinnagu

Angutit agguaqatigiissillugu ukiumut isertitarisarpaat 222.000 koruunit, arnalli 161.000 koruunit isertitarisarlugit. Angutit arnanit isertitaqarnerunerat pissusiuvoq, nunap suani, inunngorfik utoqqaassuserlu apeqqutaatinnagit atuuttoq.

Titartagaq 0.1

2008-mi isertitat tamarmiusut angutaanermut arnaanermut sumilu najugaqarnermut agguaqatigiissillugit



2008-mi pisisinnaassuseq annikilleriaallappoq

2008-mi isertitat agguaqatigiissillugit 194.000 koruuniupput, tassanilu qaffariaat ukiumut siulianut naleqqiullugu 4,0 pct.-uvoq. 1. januarimiit 2008 – 1. januarimut 2009 akit akitsuutaannut 4,5 pct.-usumut iluarsigaanni, taava isertitat naleqassusiat 0,4 pct.-mik appariarsimassaaq. Taamaalluni pisisinnaassuseq 2008-mi annikilleriaallappoq.

Takussutissiaq 0.1

2003-mit 2008-mut isertitat naleqqassusiata naleqqersornerat


	2003	2004	2005	2006	2007	2008
Isertitat naleqqersuutaat, 2002=100	100,8	104,2	105,7	110,0	113,9	118,5
Atuisunut akigitamut naleqqersuutit, 2002=100	103,2	104,3	106,7	109,1	114,9	120,1
Isertitat naleqqassusiata naleqqersuuta, 2002=100	97,7	99,9	99,1	100,9	99,1	98,7
Ukiumut allannguut (pct.)	-2,3	2,2	-0,8	1,8	-1,8	-0,4

Sermersuummi isertitanut
qaffasissuseq
qaffasinnerpaavoq

Kommuneqarfinni isertitat agguaqatigiissinnerat annertuumik assigiinngissuteqarpoq. Kommuneqarfik Sermersuummi isertitat agguaqatigiissinneratigut isertat 235.000 koruuniusut kommuneqarfinnut pingasunut naleqqiullugu malunnavisumik qaffasinnerupput. Qeqqata kommuneanili nuna tamakkerlugu agguaqatigiissitsinerup qaffasissusia 194.000 koruuniusoq assigiinnarlugu. Isertitat agguaqatigiissinneranni Qaasuitsup kommunia 155.000 koruuninik isertitaqarfiusoq isertitatigut appasinnerpaaffiuvoq Kommune Kujallermi 164.000 koruuninik isertitaqarfiuvoq, nunalu tamakkerlugu agguaqatigiissitsinermi Qaasuitsup kommunia 20 pct.-tut inissisimalluni Kommune Kujalleq 15 pct.-mik inissisimasoq.

Titartagaq 0.2

2008-mi isertitat tamarmiusut kommunikkaartumik agguaqatigiissinnerat



... pdf-filinngorlugu

Saqqummersitaq **"2008-mi Isertitat kisitsisit atorlugit nassuiaasiarinerat"** pdf-tut pissarsiarineqarsinnaavoq Kalaallit Nunaanni Naatsorsueqqissaartarfiup nittartagaatigut nuna toqqarlugu.

E-mailimut
ilaasortanngorit

Siunissami kisitsisitigut paasissutissanik nutaanik ilisimatinneqartarusukku, qarasaasiakkut allatanik nutaarsiassaasivipput ilaasortanngorfigiuk: Iserfigiuk www.stat.gl. Ammakkavit qulaani qineruk **"Kiffartuussinerit"** malittuanillu **"Pisartakkanut tunngasut"**. Taava siunissami kisitsisitigut paasissutissat nutaat tamanut saqqummiunneqarnerini e-mailikkut pissarsisinneqartalissaatit.

Apequtissaqaruit siunnersorti Søren W. Børgesen oqarasuaat 36 23 78 (toqqaan-
nartoq) atorlugu saaffigisinnaavat imaluunniit e.-mailimut uunga swbo@stat.gl atas-
suteqarnikkut.

Inussiarnersumik inuulluaqqusillunga

Søren W. Børgesen
Siunnersorti